

წმინდა მონამე ვასილისკო (+308) - ხსენება 22 მაისს (4 ივნისი)



წმინდა მონამე ვასილისკო წმინდა დიდმონამე თეოდორე ტირონის ძმისწული იყო. იგი მეოთხე საუკუნეში იმპერატორ მაქსიმიანე გალერიუსის დროს მონამებრივად აღესრულა ქრისტესთვის.

წარმართ მაქსიმიანეს სძულდა ქრისტეს რჯულზე მოქცეულნი. მათ მიმართ განსაკუთრებით დაუნდობელი იყო. ტანჯვა, ციხე, გადასახლება, სიკვდილი ემუქრებოდა იმას, ვინც ქრისტიანობას ჭეშმარიტ სარწმუნოებად მიიჩნევდა.

წმინდა ვასილისკო ქრისტიან ძმებთან ევტროპისტან და კლეონიკესთან მეგობრობდა. წმინდა თეოდორეს მონამებრივი აღსასრულის შემდეგ სამი ქრისტიანი მეგობარიც ვერ გადაურჩა დევნას, ისინი საპყრობილეში ჩაყარეს. სასტიკი წამების შემდეგ წმინდა მონამენი კლეონიკე და ევტროპი ჯვარზე გააკრეს. მეგობრების აღსასრულის შემდეგ მათთან ერთად ნანამები წმინდა ვასილისკო კვლავ ციხეში ჩააგდეს. ამასობაში პონტოს მმართველი გარდაიცვალა და მის მაგივრად იმპერატორმა მაქსიმიანემ აღრიპა გამოგზავნა, თანაც დაავალა, ქრისტიანთა წამება და დევნა განეგრძო. წმინდა ვასილისკო კი ამ დროს იმას ჯავრობდა, რომ მონამის გვირგვინს ვერ ეღირსა და შესთხოვდა უფალს, ისიც შეეერთებინა ქრისტეს მონამეთა დასისთვის, რომელთა შორის მისი ხორციელი ნათესავნიც იყვნენ: წმინდა ვასილისკო გახლდათ წმინდა თეოდორე ტირონის დისწული, ხოლო წმინდა ევტროპი და კლეონიკე – ბიძაშვილები. შუალამისას წმინდანს ძილში მაცხოვარი გამოეცხადა და უთხრა: “მახსოვხარ და არასოდეს დაგივიწყებ. სახელი შენი შენზე ადრე წამებულთა წინაა ჩაწერილი. გამოემშვიდობე დედას, ძმებს, ნათესავებს. როცა დაბრუნდები, მონამის გვირგვინს მიიღებ და კომანში დაიკრძალები. ნუ შეგეშინდება მოწევნული სატანჯველის, რამეთუ მე შენთანა ვარ”...

გამოელვიდა წმინდა ვასილისკოს. ნახა – საპყრობილის კარი თავისით გაღებულყო.

გარეთ არ გამოსულა, გათენებას დაელოდა, დილით კი გაოგნებულ მცველებს ოთხი დღით შინ გაშვება სთხოვა – მერე კი ჩემს უფალთან წავალ. სულაც გაგიშვებდით, მმართველის რომ არ გვეშინოდეს, – უთხრეს მცველებმა, – თანაც ყველა პატიმრის სახელი სასამართლო წიგნში აქვთ ჩაწერილი და შეიძლება მოგითხოვონო. მაშინ წმინდა ვასილისკომ გადაჭრით უთხრა: – ჩემი უფლის ნებაა, სიკვდილის წინ ახლობლები მოვინახულო. ამიტომ თუ თანახმა იქნებით, რამდენიმე კაცი გამომაყოლებთ და მერე ერთად დავბრუნდებითო. აუსრულეს თხოვნა. დარაჯიც მიუჩინეს.

მრავალი ცრემლი დაღვარეს ვასილისკოს დანახვით ახლობლებმა, თვითონაც ეხვეოდა, უკანასკნელ ამბორსუყოფდა და ანუგეშებდა მათ: – ქრისტესმიერო ძმანო და მამანო, მტკიცედ სდექით ჩვენი უფლის სარწმუნოებაზე და არასოდეს წარგიტაცოთ წარმავალმა სოფელმა. ილოცეთ ჩემთვისაც უფლისა მიმართ, რათა ყოველთა მეუფემ მომცეს ძალი წამების დათმენისა, ისევე როგორც დაითმინეს ჩემთან ერთად შეპყრობილმა ჩვენმა ნათესავებმა. ცხონდით ყოველნი, მე კი მივდივარ და ამქვეყნიურ, წარმავალ წუთისოფელში მეტად ველარა მნახავთო. წმინდანის სიტყვებმა ნათესავები დიდად დაამწუხრა და სთხოვეს: “როცა შენს წმინდა ცხოვრებას დაასრულებ, შეევედრე უფალს ჩვენთვის და ყველა ქრისტიანისთვის, დაე, შეწყდეს დევნა მართლმადიდებელი სარწმუნოებისა, დაე, განქარდეს მსახურება კერპთა, ქრისტეს მაღლი კი გაბრწყინდეს დედამიწაზე”. ამის შემდეგ წმინდა ვასილისკო ციხეში გაბრუნდა.

ამასობაში ამასიაში მისულმა მმართველმა აღრიპამ მოინახულა პეტასონის და სერაპიონის საკერპოები და მსხვერპლი შესწირა “ღმერთებს”. მეორე დღეს კი სამსჯავრობე დაჯდა და ქალაქისთავს პირველ რიგში წმინდა ვასილისკოს მოყვანა უბრძანა.

ქალაქისთავი ციხიდან ხელცარიელი დაბრუნდა და თან საპყრობილის უფროსი მოიყვანა. განრისხდა აღრიპა, როგორ გაუშვით ჩვენი ღმერთების მტერი საპყრობილიდანო. წმინდა ვასილისკოს შესაპყრობად თავისი თანაშემწე გაუშვა და უთხრა: “მხოლოდ მაშინ დავიჭერებ შენს ერთგულებას, თუ იმ ღვთისმგმობელს შეიპყრობ და კომანში მომგვრი, სადაც ახლა წასვლას ვაპირებო”.

მაგისტრიანემ (ასე ერქვა მმართველის თანაშემწის ხელობას) მოამზადა რკინის ფეხსაცმელები, რომელთაც შიგნით წვერმახვილი გრძელი ლურსმნები ჰქონდა ამოჩრილი. გაიყოლა ციხის მცველები და ჯარისკაცები და წმინდა ვასილისკოს სოფლისკენ წავიდა. სწორედ მაშინ, როცა სახლიდან გამოდიოდა წმინდა ვასილისკო, მიიწვივნენ აღრიპას გაგზავნილნიც, სტაცეს ხელი, ჯაჭვით შეკოჭეს, ფეხზე ამოაცვეს ლურსმნებიანი ფეხსაცმელები და კომანისკენ წასვლა უბრძანეს. ლურსმნებმა ფეხები დაუხვრიტა ვასილისკოს, სისხლი ღვარად სდიოდა, თანაც ჯალათები უწყალოდ სცემდნენ. მწუხარებისაგან შეემუსრათ გული ნათესავებს. ტირილით მიაცილებდნენ წმინდანს. “ძეო ჩემო საყვარელო, – უთხრა დამშვიდობებისას დედამ, – ქრისტე,

რომელიც ასე შეიყვარე, შემწე იყოს შენი ამ მოწამებრივ ღვანლში. გამხნევდი, შვილო, და მოგვიხსენე, როცა წარდგები უფლის წინაშე...” დედამ ნუგეში სცა შვილს და შინ დაბრუნდა, ლოცვით რომ შესწეოდა, გაეძლიერებინა.

სამი ძმა და ნათესავნი კი ტირილით მიჰყვებოდნენ. “ნუ ტირით ჩემზე, უფრო ილოცეთ ღვთის მიმართ, რათა მისგან ძალმოცემულმა ვძლიო ეშმაკს და შევარცხვინო მისი მსახურნი. თქვენი ცრემლებით რად აღმიმღვრევთ გულს? ჰოი, ნეტავ შემეძლოს, მრავალჯერ მოვკვდე ჩვენი უფლის გულისთვის! გევედრებით, დაბრუნდით უკან და ჩემთვის ევედრეთ უფალს”, – მიმართა მათ წმინდანმა. სათითაოდ ეამბორა, მაგრამ მათ არ უნდოდათ განშორებოდნენ სანატრელ ვასილისკოს. მაგისტრიანემ ცემა-ტყეპით ჩამოიშორა ხალხი და გზას გაუდგინა. წმინდა ვასილისკო ფსალმუნთა გალობით იამებდა ტკივილს და ისე მსუბუქად მიდიოდა რკინის ფეხსაცმელებით, რომ მცველნი განცვიფრებულნი შესცქეროდნენ.

გზად დაბა დაკობირიაში შეისვენეს. მაგისტრიანე და მისი მცველები სოფლისთავმა მიიპატიჟა. წმინდა ვასილისკო კი გამხმარ მუხის ხეზე მიაბეს. გარშემო უამრავი ხალხი შემოერთყა, ყველას ეცოდებოდა თაკარა სიცხეში დაგდებული, სისხლმდინარე ადამიანი. წმინდანმა კი შესთხოვა უფალს, – როგორც ერთ დროს მოიხილე სამი ყრმა ბაბილონის სახმილში, უყავ წყალობა შენს უღირს მონას და აჩვენე სასწაული ამ ხალხს, რათა ყველა შენს წმინდა სახელს აღიდებდესო. პასუხად მიწა იძრა და ბეციდან ხმა მოისმა: “ნუ გეშინია, მე შენთან ვარ”. უეცრად წმინდანს რკინის ფეხსაცმელი ცვილივით შემოადნა, ჯაჭვები დასცვივდა. გამხმარი მუხა აყვავდა და თავისი აფოთლილი ხშირი ტოტებით მოუჩრდილა მზე. ხოლო სადაც ვასილისკოს სისხლი დაეცვარა და მიწა განითლდა, იქ წყარომ ამოხეთქა. წმინდანმა სამადლობელი ლოცვა აღუვლინა უფალს. მიწისძვრით შეშინებული მაგისტრიანე და ჯარისკაცები სახლიდან გამოცვივდნენ, მაგრამ გარეთ უფრო საკვირველი სანახაობა დახვდათ. მრავალმა ირწმუნა მაშინ ქრისტე. ვიღაცამ მოიფიქრა და განრღვეული მოიყვანა. წმინდანმა ხელი შეახო და განკურნა. ეს რომ ნახეს, უამრავი სნეული მოჰგვარეს და ყველა განიკურნა არა მარტო ხორციით, სულიერადაც – ინამეს ჭეშმარიტი ღმერთი.

მოსაღამოვდა. საძოვრიდან ჯორებს მოერეკებოდნენ. პირუტყვმაც კი მოიდრიკა ქედი იმ ადგილას, სადაც წმინდანი იდგა, თითქოს ამით აღიდებდნენ ღვთის საქმეებს. შიშმა შეიპყრო მაგისტრიანე და მცველები – ასე უწყალოდ რატომ ვექცეოდით ამ ღვთის კაცსო. მეორე დღეს კი გაუყვნენ გზას. ყოველ ლამაზსა და ამაღლებულ ადგილას მოიდრეკდა მუხლს წმინდანი და ღმერთს აღიდებდა. მიაღწიეს სოფელს, რომელსაც სიონს ეძახდნენ. დასხდნენ სატრაპებოდ. საჭმელი წმინდა ვასილისკოსაც შესთავაზეს – დაგვსჯიან, თუ ცოცხალს ვერ ჩაგიყვანთო. წმინდანმა უთხრა: – მე უკვდავების საჭმლით ვარ აღვსებული და ხრწნადი საჭმლის ჭამა არ მინდაო. ჯორზე შეჯდომამეც უარი უთხრა და ფეხით მიუყვებოდა გზას. ოთხი დღის მგზავრობის შემდეგ მივიდნენ კომანში. აღრიპა ამ დროს აპოლონის ტაძარში იყო და ღმერთებს მსხვერპლს შესწირავდა.

მაგისტრიანე მოუყვა გზაში მომხდარ სასწაულებს. არ დაიჯერა აღრიპამ – ჯადოქრობა არისო. მაგისტრიანე მხლებლებით გამოემშვიდობა ვასილისკოს. კიდევ ერთხელ შესთხოვეს მას მიეტევებინა მათთვის უდიერად მოქცევა.

აღრიპას ხალხმა წმინდანი აპოლონის ტაძარში მიიყვანა. მმართველმა მას ღმერთებისთვის მსხვერპლის შეწირვა მოსთხოვა. მე ჩემი ღმერთის პატივად ყოველდღე მსხვერპლს შევწირავო, – უპასუხა წმინდანმა. მაშინ შენს ღმერთს აქ შესწირე მსხვერპლი, – უთხრა აღრიპამ, – ჩემთვის სულერთია, მას რა სახელი ჰქვიაო. წმინდა ვასილისკომ ხელნი ალაპყრო და წარმოთქვა: – ღმერთო საუკუნო, შემოქმედო ცისა და ქვეყანისა, რომელი უსმენ მსახურთა შენთა, შეისმინე ჩემიც და ეს ბრმა-ყრუ კერპი დაამხე, რათა ხალხმა შეიტყოს, ვის უნდა სცეს თაყვანით. უეცრად შეიძრა მიწა, აპოლონის კერპი გადმოვარდა და დაიმსხვრა. შეშინებული აღრიპა გარეთ გამოვარდა, ცოტა ხნის შემდეგ კი წმინდა ვასილისკოს გარეთ გამოყვანა ბრძანა: “ჰოი, მტერო ჩვენი ღმერთებისა, – მრისხანედ მიმართა წმინდანს, – მსხვერპლს შევწირავო, თქვი და ისე ჰქენი, რომ ჩვენი ღმერთი აპოლონი დაიმსხვრა!” წმინდანმა ბრძანა, – თქვენი ღმერთის დამამხობელი დაწვავს ტაძარსაცო. ეს თქვა და ზეციური ცეცხლი დაეცა აპოლონის ტაძარს და დაწვა ერთიანად.

ვერც ამან მოიყვანა გონს აღრიპა. წმინდა ვასილისკოს ჯადოქრობას აბრალებდა მომხდარს. ჰოი, უგუნურო ადამიანო, მხეცო ტყეში მოხეტიალე, სისხლის მხვრეპავო ძაღლო, ცოდვილო აღრიპა, სახევე ეშმაკისა, უსჯულო ჯალათო! რატომ არ მომკლავ, რასაც ასე ძლიერ ვესწრაფვი? – მიმართა წმინდანმა. ამ სიტყვებმა განარისხა მმართველი და ბრძანა, გაიყვანეთ ქალაქიდან და იმ ადგილას, რომელსაც დიოსკურიას ეძახიან, მოჰკვეთეთ თავი და მდინარეში ჩააგდეთო.

როცა წმინდანს თავი მოჰკვეთეს, იქ შეკრებილმა ხალხმა იხილა უფლის ანგელოზები, რომელთაც წმინდა ვასილისკოს სული აიყვანეს ზეცად და მიჰგვარეს უფალს. ხალხს იესო ქრისტეს ხმაც მოესმა: – მოვედ ჩემთან, ერთგულო და სათნო მონაო ვასილისკო. შევედ ზეციურ სასუფეველში, მართალთა თანა, სადაც იმყოფებიან ჩემი სახელისთვის შენთან ერთად შეპყრობილნი და წამებულნი.

ჯალათმა წმინდანის სხეული მდინარისკენ წაიღო. ქრისტიანებმა ჩუმად გამოისყიდეს წმინდა ვასილისკოს სხეული და მოხნულ მინდორში დამარხეს. იქვე სანიშნედ თესლი ჩადეს მიწაში. ის თურმე ერთ ღამეში გაზრდილა და ნაყოფიც გამოულია. როცა წმინდანისთვის საფლავს თხრიდნენ, ქრისტიანებს მოსწყურდათ, შესთხოვეს წმინდა ვასილისკოს და იქვე წყარომ ამოხეთქა, რომელსაც კურნების მაღლი მიეცა.

აღრიპა კი არაწმინდა სულმა შეიპყრო და აწამებდა. მმართველმა წმინდანის სხეულს დაუწყო ძებნა – ხელს შევახებ და განვიკურნებო. ვერავინ გაბედა მისთვის ეთქვა წმინდანის სხეულის სამყოფელი. ზოგიერთმა უთხრა: განა შენ არ უბრძანე, მდინარეში ჩაეგდოთო? მაშინ აღრიპა იმ ადგილას წავიდა, სადაც თავი მოჰკვეთეს წმინდა

ვასილისკოს. მოფხიკა მიწაზე დაღვრილი სისხლის წვეთები, შეახვია და ქამარზე შემოიკრა. იმავე წამს განშორდა არანმინდა სული და მანაც იწამა ქრისტე.

ცოტა ხნის შემდეგ ერთმა კომანელმა ღვთისმომშიშმა კაცმა წმინდანის სხეული მის სახელზევე აშენებულ ტაძარში დაასვენა. წმინდანის საფლავთან მრავალი სასწაული აღესრულებოდა.

წმინდა ვასილისკო IV საუკუნის დასაწყისში აწამეს.

კაპადოკიასა და პონტოში რამდენიმე დაბა იყო, რომელსაც კომანს ეძახდნენ. ჩვენ მტკიცედ გვწამს, რომ წმინდა ვასილისკო ჩვენს კომანში, აფხაზეთის კომანში აწამეს. კომანი სოხუმიდან (ძველი დიოსკურიიდან) თხუთმეტი კილომეტრითაა დაშორებული, ჩრდილოეთით გუმისთა ჩაუდის, ირგვლივ კი მთები აკრავს. აქ, წმინდა ვასილისკოს მარტვილობის ადგილას, დღესაც მოჩქეფს სასწაულმოქმედი წყარო. აქ მიაბარა სული უფალს გადასახლებაში მყოფმა წმინდა იოანე ოქროპირმა. გარდაცვალების წინ წმინდა იოანე ოქროპირს წმინდა ვასილისკო გამოეცხადა, განამხნევა, ამცნო, რომ დადგა მისი უფალთან წარდგომის ჟამი. წმინდა იოანემ წარმოთქვა: “მადლობა ღმერთს ყველაფრისთვის” და ასე მიაბარა სული მაცხოვარს. ამ მიუვალ მთებში მესამედ გადამალეს თავი წმინდა იოანე ნათლისმცემლისა...

კომუნისტების დროს წმინდა ვასილისკოს წყაროს ადგილას საკალმახე მეურნეობისთვის რეზერვუარი აუშენებიათ, მაგრამ თევზები ეხოცებოდათ, რეზერვუარი ტალახით ივსებოდა და ისე ყარდა იქაურობა, სუნი მთელ კომანს აწუხებდა. წყარო და მიმდებარე ტერიტორია 80-იან წლებში გაასუფთავა იური ანუამ, მანვე აღადგინა წმინდა იოანე ოქროპირის ტაძარი V საუკუნისა, სადაც 1990 წელს გადაიტანეს იოანე ოქროპირის ქვის სარკოფაგი. კომანის მთებში, იოანე ნათლისმცემლის თავის მესამედ პოვნის ადგილას მისასვლელად ხალხს გზა რომ გაადვილებოდა, 1500-საფეხურიანი რკინის კიბე აღმართა. ასევე ჰქონდა განზრახული წყაროზე ბაზილიკის ტიპის ეკლესიის აშენება, წმინდა ილია წინასწარმეტყველისა და წმინდა ვასილისკოს საფლავთან ტაძრების აღდგენა. არ დასცალდა. 1993 წლის 5 ივლისს, აფხაზეთის ომის დროს, სეპარატისტებმა ქართველების სიყვარულისთვის წმინდა ვასილისკოს წყაროსთან 24 საათის განმავლობაში აწამეს, სცემეს, ტყვიებით დაუხვრიტეს ფეხები, ბოლოს ფეხებით დაკიდეს და მოკლეს... თითქოს ეშმაკს სურდა შური ეძია ქრისტეს ეკლესიისთვის განეული ღვანლისთვის. მისი სისხლიც შეერია წმინდა ვასილისკოს სისხლს, დღესაც რომ ატყვია წყაროში მოთავსებულ ქვებს, დღესაც რომ ატყვია აფხაზეთის მიწას.

კონდაკი მოწამე ვასილისკოსი

კომანში წამებულისა ვნებათა შინა მტკიცედ და მხნედ გამოსჩნდი შენ, და სასწაულთა შინა ყოვლადსაკვირველ და ცხადად სახელი ქრისტესი აღიარე, და მძლავრსა არცხვინე; ამისთვისცა პატივს გცემთ შენ, ვასილისკოს, და მარადის გიხმობთ, ყოვლადპატიოსანო: გიხაროდენ, მონამეთა ბრწყინვალეო სამკაულო.

karibche.ambebi.ge